

中國青年黨的過去與現在

本黨宗旨

本黨本國家主義之精神，採全民革命之手段，以外抗強權，力爭中華民國之獨立與自由，內除國賊，建設全民福利的國家爲宗旨。

民國十八年十二月二日爲
本黨成立六週年紀念日

中國青年黨的過去與現在

目次

一、中國青年黨公開黨名宣言

(民國十八年九月刊佈)

附錄：中國青年黨發起宣言

(民國十二年十二月二日佈於法京巴黎)

二、中國青年黨政綱

三、中國國家主義青年團第一次全國代表大會對時局宣言

(民國十五年八月一日刊佈)

四、中國國家主義青年團第二次全國代表大會對時局宣言

(民國十六年七月十五日刊佈)

五、中國國家主義青年團第三次全國代表大會宣言

(民國十七年八月十五日刊佈)

六、中國國家主義青年團致國民黨書

(民國十七年八月刊佈)

七、中國青年黨及中國國家主義青年團第四次全國代表大會宣

言

(民國十八年九月刊佈)

八、中國青年黨第四次全國代表大會告同志書

(民國十八年九月刊佈)

中國青年黨公開黨名宣言

——代國共兩黨而起之新革命黨——

(一) 本黨發生之原因

(甲) 一般的原因

(一) 政治社會之腐敗

(二) 既成政黨之腐化

(乙) 特殊的原因

(三) 鐵路共管之警耗

(四) 聯俄容共之怪劇

(二) 六年來奮鬥之經過及對於國家之貢獻

一 反對賣國的軍閥

二 反對亂國的共產黨

三 反對誤國的國民黨

(三) 中國國家主義青年團與本黨之關係

(四) 以前不公開黨名之原因

一時機尙未成熟

二組織尙未完成

三作戰的便利

四國人的期望

(五)現在公開之原因

一國民黨之專政誤國

二共產黨之殺人放火

三一般國民之水深火熱

四革命時機已漸成熟

(六)本黨對於國事的重要主張

一改善代議制度之職業選舉

二防止議員賄選之總統民選

三代替武力統一之聯省自治

四銷弭階級鬥爭之社會政策

五抵制經濟侵略之保護政策

六反抗武力侵略之飛濶政策

七提倡女權之婦女參政

八獎勵移民之僑民保護

(七)本黨對於國家之使命及今後努力之途徑

一國政治之污濁，有賴於革命集團之澄清。所謂革命集團者，即有主義，有政策，有組織，有方略，之革命的政黨也。此革命集團之成功與失敗，視其主張之是否合乎本國國情，應乎社會需要，順乎世界潮流以爲斷。今日國人莫不知有所謂三民主義，共產主義，國家主義。代表三民主義者爲中國國民黨，代表共產主義者爲蘇俄之中國共產黨，代表國家主義者，人但知爲中國國家主義青年

團，而不知立於青年團之後者，尙有極嚴整之中國青年黨在焉。本黨之正式成立，始於民國十二年十二月二日。溯其誕生之原因，約可分爲兩種：（甲）爲一般的原因，即（一）政治社會之腐敗，與（二）既成政黨之腐化是也。當時國內政權完全操於北洋派之手，武夫橫行，土匪遍野，法律等於弁髦，民命賤的芻狗，政治之建設毫無，社會之黑暗益甚，國際地位日益低降，國家前途愈趨黯淡，凡屬愛國之士，胥懷革命之心。同時與北洋派立於相反地位之國民黨，亦以分子複雜之故，日演其火併之劇。所表現於國民之前者，無非矛盾滑稽之事：忽而討段，忽而聯段，忽而護法，忽而違法，行爲日趨腐化，信用亦已蕩然。舊革命黨既失國人之望，新革命黨自應運而生，徵諸各國，莫不皆然。此本黨誕生之一般的原因也。（乙）爲特殊的原因，新革命黨雖爲時勢所需要，然苟無特殊的原因以促成之，則其產生亦不若是之易。本黨誕生之特殊的原因有二：即（一）列強共管中國鐵路之警耗與（二）國民黨聯俄容共之怪劇是也。國人嘗猶記憶民國十二年山東臨城忽

有孫美瑤劫車之舉，外人被擄者若干。於是英美大倡共管中國鐵路之議，法比從而和之。當時巴黎各報日載劫車之事，頻發侮我之詞，不曰中國爲『土匪國』，卽曰華人爲『劣等民族』，非置於列強共管之下不可。當時旅法華人聞之莫不痛心，以爲關稅鹽稅既共管矣，若再舉鐵路以奉諸外人，是完全夷吾國爲屬地，此而可忍，孰不可忍？於是先有旅法各國體聯合會之發起，以從事於國民外交，而圖打銷共管之議，繼有中國青年黨之組織，以從事於根本救國，而以國家主義爲依歸。此則特殊原因之屬於外患者也。國勢既如此之危，而國民黨適於其時聯俄容共，吾人灼見蘇俄所操縱之第三國際的陰謀，知其西守東進政策將以我國爲犧牲，而企圖世界革命，國民黨從而聯之，何異開門揖盜？至於容共，尤爲失策。蓋共產黨乃蘇俄之鷹犬，實我國之國賊也，從而容之，奚啻引鬼入室？不惟貽患於國家，抑將有害於該黨！凡今日蘇俄入寇與共黨作亂之禍，吾人實早料於六年以前。國民黨既種此禍根，吾人不能不豫圖補救。於是真正愛國之士，愈感新黨之必

要，遂相聚而共組本黨。此特殊原因之屬於內憂者也。本黨既爲內憂外患所逼迫而成，故自信其動機較任何政黨爲純潔，同人鑒於印度波蘭亡國之慘史，故不得不本昔賢操心危慮患深之訓，以從事於秘密的救國運動。自成立以迄於今，忽忽已六年矣。此六年中吾人對於國家雖自愧無赫赫之功。然在積極方面，則國家思想之建設，亦已略著成效。國主義論文集，講演集，與夫淺說諸書流行海內。國人對於國家之觀念已由模糊而進於明瞭，感情亦由微溫而趨於熱烈。過去各種外抗強權運動，即爲事實之證明。國家主義基礎已立，有非矛盾的三民主義，荒謬的共產主義所得而動搖者矣。其在消極方面，則吾人反對賣國的軍閥，同時反對亂國的共產黨，與誤國的國民黨，嘗以三語揭櫫以號召於國人：（一）曰打倒禍國殃民的新舊軍閥，（二）曰打倒殺人放火的共產黨，（三）曰打倒一黨專政的國民黨。其言論具載於海外之先聲週報，與國內之獅醒週報等。年來革命空氣之濃厚，吾人實與有力焉。抑不獨言論而已，吾人深入社會，從事於各種實際革命運動，

已有相當之成效。本黨同志之因此而犧牲生命，及陷於囹圄者，已不在少數。本黨孤軍轉戰於社會，決不以偶挫而灰心。何則！本黨之革命與國民黨之革命有根本相異之點：國民黨之革命爲自上而下，專憑藉軍隊勢力，甚至假借外援，其方法純然爲舊式的；而本黨之革命，則爲自下而上，不依賴軍閥，不假借外援，專憑藉民衆勢力以期一舉而內除國賊，外抗強權，如土耳其青年黨之所爲。其方法純爲新式的，故非有長期之奮鬥不能收顯著之成效也。國民黨之假革命與舊方法既不足以壓人望，吾人起而代之自當一反所爲，期以新方法實現真革命。不徒方法從新也，即組織亦一新焉。故於黨之下另有國家主義青年團之組織，爲革命之基本隊。蓋認定在老大民族之中國，非有多數革命青年，不能鞏固團結，長期奮鬥，而爲國犧牲也。前此所以祇公開團名，而不公開黨名者，則以有下列數因焉：

(一)則革命之時機尙未成熟；(二)則本黨之組織尙未完成；(三)則處於軍閥共產黨國民黨與帝國主義四重壓迫之下，爲作戰之便利計，不得不暫隱其名；(四)

則國人對於軍閥與共產黨雖望而生畏，而對於假革命的國民黨，猶未絕望，以爲庶幾可以整理國事，因而對於本黨尙無明瞭之認識與迫切的期望。今則國民黨之專政誤國，已爲國民所共見矣。共產黨之殺人放火，已爲舉國所痛惡矣。人民陷於水深火熱之中，革命之呼聲日高，革命之時機漸熟，海內外同胞對於本黨已有相當之認識與熱烈之同情。故本黨同人毅然決然公開黨名以其主張與天下人以共見，劍及履及，獨闢新路，導天下人以共由也。大凡一種主張，欲得多數之同情，必合社會之需要，所謂對症下藥，因時制宜是也。本黨基此原則，製定各項政策，類皆斟酌至當：例如鑒於過去代議制度之有名無實也，於是代之以世界最新之職業選舉，鑒於過去兩院議員之賄選總統也，於是代之以總統民選；鑒於過去袁段吳武力統一之失敗也，於是代之以人民自主之聯省自治；鑒於貧富不均之足以引起階級鬥爭也，於是濟之以社會政策，關於農工之保護，遺產之限制，皆有極詳之規定，將舉社會一切不平之現象而逐漸掃蕩之；鑒於列強經濟侵略之足以

制我死命也，於是濟之以保護貿易政策，期於發達本國工商業以防外資之侵略；鑒於海軍之一時不易復興也，於是濟之以飛潛政策，期以飛機潛艇補助國防；鑒於男女不平等之足以妨碍進化也，於是主張婦女參政，以促女權之發達；鑒於華僑痛苦之有待解除也，於是主張僑民保護，定爲明文，以獎勵而保護之。其他各種主張，詳於政綱，不及列舉，要皆一一合乎本國國情應乎社會需要順乎世界潮流未嘗有絲毫空疏之高調，固陋之成法，參雜其間，此則國人所得公評，抑亦同人所敢自信者也。今日國勢之傾危亦云甚矣。民生之憔悴，亦云極矣。軍閥共產黨既皆有害於國家，國民黨又不足以收拾時局，則今後芟夷大難，奠定國基之使命，本黨同人自當順國人之期望而負荷之，以盡其救國之天職。至其努力之途徑，則仍在於深入社會，組織民衆訓練民衆期以全民革命，實現全民政治，使今後覺醒之民衆，不獨廓清亂黨，抑亦監督本黨，俾克完其使命，而不致蹈舊黨之覆轍。蓋共和國家主權在民，未有民衆不覺醒，而政治能進步者也。今當公開黨名

之始，謹重述本黨之宗旨，以昭告於海內外人士曰：『本黨本國家主義之精神，採全民革命之手段，以外抗強權，力爭中華民國之獨立與自由，內除國賊，建設全民福利的國家爲宗旨。』世有同志，盍興乎來！

附錄 中國青年黨發起宣言

嗚呼！二十世紀之國家，其國基之飄搖不定，其政象之隕阨不甯，孰有過于今日之中國者乎！二十世紀之青年，其處境之艱難困苦，其心思之忐忑不安，孰有過于今日中國之青年者乎！內有殘民以逞之軍閥，外有伺隙而動之列強，官僚既舞弊營私，政客更寡廉鮮恥，奸商但逐什一之利，鄉愿徒爲兩可之辭，其餘假公濟私之輩，損人利己之徒，更不勝其枚舉，行見大好山河，竟將斷送於若輩之手。環顧國內，非無多數之前輩，而以時勢之變遷，忠烈者死于鋒鏑矣，謹厚者遁于山林矣，狡黠者變于中途矣。坐令奸黨橫行，善人裹足。民有

僭亡之歎，國無重振之機。當此之時，捨吾輩青年奮起而以血肉與黑暗勢力相搏戰，則中華民國之前途，又安有光明之望哉！邇來海內憂時之士，不乏救國之談。有欲輸入歐洲文明，以期改造思想者，此雖根本之圖，要非救急之策。試觀住籍，殷鑒匪遙。道學雖盛，何補南宋之亡！玄理縱高，無救東晉之亂！向黃巾而講孝經，對虎豹以談仁義，適自形其迂拘，曾何裨于國是！又有主張一階級專政，而忽視其他各界者，殊不知吾人欲行革命，不可不察本國之情勢，就國內之人口計之，則全國國民，農居八九，商界次之，學界次之，工又次之。據最近全國職業之調查表，工人僅佔全國人口比例百分之四強。以如斯少數之工人，而欲實行專政，徵諸事實，殆萬不能。況全國農工商學各界，同受軍閥之壓迫，各有倒懸之痛苦，于此而獨倡一階級專政之說，幾何不使他界失望？縱不至迫彼等以附和軍閥，亦將使吾人失却最多數之同情，不能行大規模之革命，轉令軍閥官僚得以延其壽命耳。又有知理想之難行而欲依他黨以成功

者，殊不知已成政黨，早失信用，即有一二先覺之士，亦無支配全黨之能，若歐美政黨之旗幟鮮明，紀律嚴整者，殆難以望諸彼輩，則吾人又何取乎依賴行爲，而失其獨立精神，以與過去人物同爲一邱之貉耶？此同人等所以外瞻大勢，內審國情，毅然有中國青年黨之發起也。本黨之宗旨：言夫對外，則以力爭中華民國之獨立與自由爲旗幟，蓋鑑于國際強權之方盛，世界大同之尙遙，新加坡之增築軍港，太平洋之派遣艦隊，鐵路財政之共管，宜昌長沙之示威，在在令人驚心動魄，故不敢再爲空言以誤國也。至於對內，則以推倒禍國殃民之軍閥，實現全民政治爲信條，蓋鑑于全國國民之齊受宰割于軍閥，欲喚起各界之覺悟，合羣力以誅國賊，人人皆當協力同心，故亦不敢徒唱高調以拒人也。若夫成敗利鈍，要亦不難逆觀。昔意大利之再造邦家，實成於少年意大利黨之手，近土耳其之恢復故土，亦由於青年土耳其之努力。即吾國舊屬之三韓，亦有朝鮮青年黨之組織，三月革命之舉，全球爲之震驚。事在人爲，理無成爽。